

2015年 冬季特講 教材

四書入門

講師 元周用

目次

大學	1
論語	4
孟子	16
中庸	29

《 大 學 》

1. 大學之道 在明明德 在親民 在止於至善
2. 知止而后有定 定而后能靜 靜而后能安 安而后能慮
慮而后能得
3. 物有本末 事有終始 知所先後 則近道矣
4. 古之欲明明德於天下者 先治其國 欲治其國者 先齊其
家 欲齊其家者 先修其身 欲修其身者 先正其心 欲正其
心者 先誠其意 欲誠其意者 先致 其知 致知在格物
5. 苟日新 日日新 又日新
6. 小人閒居 爲不善 無所不至 見君子而后 厭然揜其不
善 而著其善 人之視己 如見其肺肝然 則何益矣 此謂誠
於中 形於外 故君子 必慎其獨也

7. 富潤屋 德潤身 心廣體胖

8. 身有所忿懣 則不得其正 有所恐懼 則不得其正 有所
好樂 則不得其正 有所憂患 則不得其正

9. 心不在焉 視而不見 聽而不聞 食而不知其味

10. 好而知其惡 惡而知其美者 天下鮮矣

11. 心誠求之 雖不中 不遠矣

12. 一言僨事 一人定國

13. 得衆則得國 失衆則失國

14. 德者本也 財者末也 外本內末 爭民施奪

15. 財聚則民散 財散則民聚

16. 言悖而出者 亦悖而入 貨悖而入者 亦悖而出

17. 見賢而不能舉 舉而不能先 命也 見不善而不能退 退

而不能遠 過也

18. 好人之惡 惡人之好 是謂拂人之性 菑必逮夫身

19. 君子有大道 必忠信以得之 驕泰以失之

《 論 語 》

1. 子曰 學而時習之 不亦說乎 有朋自遠方來 不亦樂乎
人不知而不愠 不亦君子乎(學而)
2. 巧言令色 鮮矣仁(學而)
3. 曾子曰 吾日三省吾身 爲人謀而不忠乎 與朋友交而不
信乎 傳不習乎(學而)
4. 子曰 弟子入則孝 出則弟 謹而信 汎愛衆而親仁 行有
餘力 則以學文(學而)
5. 主忠信 無友不如己者 過則勿憚改(學而)
6. 曾子曰 慎終追遠 民德歸厚矣(學而)
7. 子曰 君子食無求飽 居無求安 敏於事而慎於言 就有
道而正焉 可謂好學也已(學而)

8. 子貢曰 貧而無諂 富而無驕 何如 子曰 可也 未若貧

而樂 富而好禮者也(學而)

9. 子曰 不患人之不己知 患不知人也(學而)

10. 詩三百 一言以蔽之曰 思無邪(爲政)

11. 子曰 吾十有五而志于學 三十而立 四十而不惑 五十

而知天命 六十而耳順 七十而從心所欲 不踰矩(爲政)

12. 子游問孝 子曰 今之孝者 是謂能養 至於犬馬 皆能

有養 不敬 何以別乎(爲政)

13. 子夏問孝 子曰 色難 有事 弟子服其勞 有酒食 先生

饌 曾是以爲孝乎(爲政)

14. 子曰 溫故而知新 可以爲師矣(爲政)

15. 子曰 君子不器(爲政)

16. 子曰 君子周而不比 小人比而不周(爲政)
17. 子曰 學而不思則罔 思而不學則殆(爲政)
18. 子曰 由 誨女知之乎 知之爲知之 不知爲不知 是知也(爲政)
19. 子曰 非其鬼而祭之 諂也 見義不爲 無勇也(爲政)
20. 獲罪於天 無所禱也(八佾)
21. 子曰 居上不寬 爲禮不敬 臨喪不哀 吾何以觀之哉(八佾)
22. 唯仁者能好人 能惡人(里仁)
23. 人之過也 各於其黨 觀過 斯知仁矣(里仁)
24. 子曰 朝聞道 夕死可矣(里仁)
25. 子曰 士志於道 而恥惡衣惡食者 未足與議也(里仁)

26. 子曰 放於利而行 多怨(里仁)

27. 子曰 不患無位 患所以立 不患莫己知 求爲可知也
(里仁)

28. 子曰 君子喻於義 小人喻於利(里仁)

29. 子曰 見賢思齊焉 見不賢而內自省也(里仁)

30. 子曰 父母在 不遠遊 遊必有方(里仁)

31. 子曰 父母之年 不可不知也 一則以喜 一則以懼(里仁)

32. 子曰 古者 言之不出 恥躬之不逮也(里仁)

33. 子曰 君子欲訥於言而敏於行(里仁)

34. 子游曰 事君數 斯辱矣 朋友數 斯疏矣(里仁)

35. 聞一以知十(公冶長)

